

Mazinahigan kici-ikitowāt ci-wīcicigēndiwāt Ogimāwaginzōk

Anisinābē mino-ayāwin omā Saskatchewan

**Ongowē kāwī-ozibīhamowāt kici-ogimāk
Ogimāk omā onji Saskatchewan (FSIN)**

sigwa

**Ogimā onji Canada
Mino-ayāwin kā-nāgatōkēt**

sigwa

**Ogimā onji Saskatchewan
Mino-ayāwin kā-nāgatōkēt**

Nitam kici-ikitowin

Mihi-omā ogimāwaginzōk kā-andawēndamowāt kakina pēziwan ci-izi-kanawābamind anisinābē sigwa ono ānind obimātizīh omā Saskatchewan;

Mihi-omā ogimāwaginzōk kikēndamowāt āpici pakān inēndāgozinit anisinābē omā akīng (Canada) kī-onjīmagang imā kayatē kāgī-wīcicigēmāwāt Ogimākwēn i-apī kā-onatōng Tibahamātī-asocigēwinan, imā Section 35, Constitution Act, 1982;

Mihi-omā ogimāwaginzōk owābandānāwā andawēndāgwaninig ci-wīchitiwāt ci-nagatōkēwāt anisinābē mino-ayāwin omā Saskatchewan;

Mihi-omā ogimāwaginzōk owābandānāwā anisinābē mino-ayāwin tagwīmaganini imā ōwīhawimā, manitōwēndamowin, nāgatawēnjigan, ēzi-kanawābandaming aki, okwīnowin, izi-cigēwin sigwa izi-pimātiziwin ci-izi-mino-ayāwāt kakina anisinābēk, mihi-onowē kakina ta-nāgatōkēm imā ci-izi-mino-ayāwāt kakina anisinābēk;

Mihi-imā ogimāwaginzōk kici-inēndamowāt nawac ci-mino-wīchihāwāt mino-ayāwining izi anisinābēh omā Saskatchewan, mihi-omā ogimāwaginzōk kā-ozībīhamowāt owē Mazinahigan kici-ikitowāt ci-wīcicigēndiwāt Ogimāwaginzōk oga-onātōnāwā oski-wīchitiwin sigwa ci-kici-inēndiwāt omā onji; sigwa

Mihi-imā Canada otayān tābita ci-onji-kanawēnwābamāt anisinābēh omā otakīnīng.

Mihi-ima onji onisitoyānāwā owē kā-ozibīhigātēnig:

1. Ānīswīn onji

Ānīswīn owē Mazinahigan kici-ikitowāt ci-wīcicigēndiwāt Ogimāwaginzōk wēnji ozibīhigātēk:

- 1.1 Nawac ci-minwatōng anisinābē mino-ayāwin sigwa ci-kibitinaming owe pakan ka-izi-kanawābamindwā anisinābēk apīc ongo pakān obimātizīk omā Saskatchewan;
- 1.2 Ci-minwatōng kakina ono mino-ayāwin kā-anokātēg pigwi imā, nawac pēso ci-wīchiting kakina kēgō ci-minosēk imā mino-ayāwin kā-anokātēg;
- 1.3 Nawac kwayak ci-inatōng iwē anisinābēk kā-nōndē anokīwāt imā izi-mino-ayāwining, mihi-imā ci-onji kanawēndamowāt sigwa kayē ci-wīcitwāt wāt ci-mino-ayānit anisinābēh;
- 1.4 Ci-onatōwāt ongo āk-waginzōk ānīn ci-izi-nawac kwayak wīchihimind ci-mino-ayānit kakina anisinābēh omā Saskatchewan;
- 1.5 C-onatōwāt mazinahigan ānīn ci-izi-mino-ayānit anisinābēh owēti izi minik mitāso-akai

2. Inaginzowīn sigwa anokātamowīn

Ogimāwaginzōk ogikēndānāwā sigwa ogicihinēndānāwā owe kāwī-wītanokīndiwāt, sigwa kayē awēgonēn iwē kē-anokātāng awē ogimā ēnaginzot sigwa kayē goci ci-inatōt kēgō kīspin wī-kibicigēmaganinig kwayak kēgō ci-izisēnig sigwa kēgo iwē tazinjigan ci-kātōsig. Ogimāwaginzōk:

- 2.1 Ogikēndānāwā otanokīwiniwā sigwa kayē onīgānētamāgēwā imā nawac ci-minwatōwāt kakina anisinābēh ci-mino-ayānit, sigwa kēgō minik kēkēndamowāt sigwa nayēgacitōwāt imā izi mino-ayāwining ci-mīgiwēwāt;
- 2.2 Ogikēndānāwā ci-kici-inēndamowāt kakina ānīn ēzi-pimātizit mino-ayāwining izi kakina anisinābēh, onanānadawihiwēh sigwa otanokīh, ānīn kayē anisinābēh ēzi anokātaminit mino-ayāwin;

- 2.3 Ogikēndānāwā andawēnjigātēnig Ogimāwaginzōk sigwa maskīwanokīg ci-wīcihitiwāt ci-onatōwāt mino-ayāwin pigwi imā wēnji anoātaming owē mino-ayāwin; sigwa Mazinahigan kici-ikitowāt ci-wīcicigēndiwāt Ogimāwaginzōk
- 2.4 Ci-kikēndamowāt iwe kakina Ogimāwaginzōk ciwīcihitiwāt ānīn owēti nīgān kēni-izi mino-wīcihigonit anisinābēh ci-mino-ayānit. Owe Mazinahigan kici-ikitowāt ci-wīcicigēndiwāt Ogimāwaginzōk ogani pimiwinigowā ci-kikēndamowāt ānīn ci-izicigēwāt.

3. Minik kayē inakamigak

Ogimāwaginzōk apī ozibīhamowāt owē Mazinahigan kici-ikitowāt ci-wīcicigēndiwāt Ogimāwaginzōk, ta-onasāwag Oganawābanjigēk ci-nīgānītamowāt sigwa ci-onji kanawābandamowāt owē Kakina awiya ci-nisitotang onji mazinahigan kawak ci-izisēnig omā minik kēgō kā-ozibīhigātēnig. Oganawābanjigēk oga;

- 3.1 Niso kēmā nīnz ci-onasindwā imā onji niswyag ka-ogimāwaginzōwāt;
- 3.2 Ci-ozitōng ozibīhigēwin ci-piminizahamowāt Oganawābanjigēk ānīn ci-izitibācimowāt ēziwēbatinig, tibaginjigēwin sigwa sagakaginjigēwin ci-nāgatōkēwāt ēziwēbatinik imā kāgī-ozibīhamowind mazinahigan.
- 3.3 Ci-kikēndamowāt āndi kē-māmahō anokātamowind kēgō;
- 3.4 Ci-ozitōwāt tabita ozibīhigēwin ānīn cī-anokātamowind kēgō āpicī anadwēnjigātēnig ci-māmahōkamowind; sigwa
- 3.5 Ci-ozitōwāt kēgo ci-tibahāmātamowind ānīn ēnokīmaganinig owē mazinahigan kā-onatōwind ci-wīcihigonit anisinābēh ci-mino-ayānit.

4. Kītwām kē-tōtaming

- 4.1 Anapī ke-ozibīhaming owē Mazinahigan kici-ikitowāt ci-wīcicigēndiwāt Ogimāwaginzōk, mitāso-asi-nīwin tasogonagatinik, Ogimāwaginzōk ta-tibācimowak awēnēn kā-onasāwāt ci-ganawābandaminit.

Oganawābanjigēk nitam ta-m āmahōbiwak nisimitana tasogon kī-izisēnig kī-skwā ozibīhamowind owe Mazinahigan kici-ikitowāt ci-wīcicigēndiwāt Ogimāwaginzōk;

- 4.2 Pēzigowaki kī-izisēnig owē kī-iskwā ozibīhamowind owē Kakina awiya ci-nisitotang onji mazinahigan, Oganawābanjigēk oga-wīndamawāwāh Ogimāwaginzōk kāgī-ozibīhigēnit ānīn ēziwēbaninig apī-kā-ozibīhamowind owē Kakina awiya ci-nisitotang onji mazinahigan sigwa kā-taso pēzigowaki imā onji.

5. **Minik ci-tazisēg owē Kakina awiya ci-nisitotang onji mazinahigan**

- 5.1 Owē Mazinahigan kici-ikitowāt ci-wīcicigēndiwāt Ogimāwaginzōk ta-anamitōm minawā kā-taso nīnzowaki. Ogimāwaginzōk ta-kagwētewwak ci-anamitōwind kītwām. ci-nāpatōwind kēma ci-ānjibīhamowind ci-ozibīhamawāwāt ono ānind Ogimāwaginzōk ci-kawānji-wīndamāgēwāt minik nīnzo-kīzis kī-izisēnig. Wī-ānjibīhaming Mazinahigan kici-ikitowāt ci-wīcicigēndiwāt Ogimāwaginzōk kakina Ogimāwaginzōk ci-inēndamowāt ānapī kēmācitōwāt ci-ānjibīhamowāt.
- 5.2 Pigo ingi Ogimāwaginzōk tā-pōhiwak imā ci-wīcīwēwāt imā Mazinahigan kici-ikitowāt ci-wīcicigēndiwāt Ogimāwaginzōk kīspin ozibīhamowāt mazinahigan wīndamāgēwāt wī-pōhiwāt minik izi-nisimitana tasogon kī-izēnik.

6. **Minik kēgō kā-ikitōmagang mazinahigan**

- 6.1 Mazinahigan kici-ikitowāt ci-wīcicigēndiwāt Ogimāwaginzōk kāwīn onasowēwining ozībigātēsīnōn ci-minijimigowāt ongo ōgimāwanginzōt omā ci-wīcīwēwāt.
- 6.2 Kāwīn omā kēgō Mazinahiganing kici-ikitowāt ci-wīcicigēndiwāt Ogimāwaginzōk ci-inēndaming Saskatchewan kā-nāgatōkēt mino-ayāwīn ci-pakān izisēnig, kāwīn kayē owē mazinahigan ozibīhigātēsīnōn anisinābēk ci-ānjitōwind kēmā ci-kibitinamowind owē ēzi

kanawābandamowāt mino-ayāwin sigwa kayē Canda āza kā-inatēnig ci-nāgatōkēt omā anisinābēh.

- 6.3 Kāwīn omā kēgō Mazinahigan kici-ikitowāt ci-wīcicigēndiwāt Ogimāwaginzōk ozibīhigātēsīnōn inēndandamwāt Ogimāwaginzōk ci-kibitinamawimind anisinābēh omā onji Saskatchewan kēmā ci-ānjitōng minik kakina kēgo kā-ozibīhigātēg imā Tibahamātī-asocigēwining kēmā ci-inēndamowāt pakān ci-inatōwāt ono Tibahamātī-asocigēwinan.
- 6.4 Kāwīn omā kēgō Mazinahigan kici-ikitowāt ci-wīcicigēndiwāt Ogimāwaginzōk ozibīhigātēsīnōn inēndāgwanzinog onji Saskatchewan ci-kibitinaming minik kēgo kā-wīcicigēmīndwā ci-wīcīhāwāt onji kakina iskoniganing anisinābēh sigwa kayē ono kā-anokītāmawānit anisinābēh omā onji Saskatchewan ongo pēpakān kā-ayāwāt mino-ayāwin kā-nāgatōkēwāt kēmā Saskatchewan Cancer Agency.

SAULTEAUX